

ფინანსური ანალიზის ინსტრუმენტები და მათი მნიშვნელობა კომპანიების გრძელვადიან სტრატეგიულ განვითარებაში (გამოცდილებები და გამოწვევები საქართველოში)

მედია ლომინაშვილი-ფრუიძე

აკაკი წერეთლის სახელმწიფო უნივერსიტეტის
ასოცირებული პროფესორი;
ეკონომიკის დოქტორი

FINANCIAL ANALYSIS TOOLS AND THEIR IMPORTANCE IN THE LONG-TERM STRATEGIC DEVELOPMENT OF COMPANIES (EXPERIENCES AND CHALLENGES IN GEORGIA)

Medea Lominashvili-Pruidze
Associate Professor
Doctor of Economics
Akaki Tsereteli State University

The dynamic change in the business environment, accompanied by increased competition, requires a solid analytical base for the management processes of the enterprise. This provides an in-depth view of the financial and economic situation of the business and helps management make strategic decisions. There is a need for forecasting mechanisms that monitor changes in real time and provide management with operational financial signals. Accordingly, the role of financial analysis is clearly increasing not only as an evaluative, but also as a preventive and strategic management tool and creates a logical connection between current operations and strategic goals, revealing hidden trends.

The effectiveness of financial analysis is largely determined by its methodological foundations. Traditional methods, such as horizontal and vertical analysis, ratio analysis or factor analysis, still remain the basis, however, modern technological developments, including Big Data analytics, artificial intelligence and machine learning, create new opportunities and turn them into an even more powerful strategic tool for achieving long-term competitiveness. Based on the analytical findings, the enterprise can formulate strategic plans of action to reduce or re-evaluate profitable areas, transfer resources to high-productivity units and increase other efficiency.

Keywords: financial reporting, financial analysis, financial algorithms, forecasting models, strategic management, competitiveness, efficiency.

საკვანძო სიტყვები: ფინანსური ანგარიშგება, ფინანსური ანალიზი, ფინანსური ალგორითმები, პროგნოზირების მოდელები, სტრატეგიული მართვა, კონკურენტუნარიანობა, ეფექტიანობა.

* * * *

ბიზნესგარემოს დინამიკური ცვლილება, რასაც თან სდევს კონკურენციის გამძაფრება, კომპანიის მართვის პროცესებისთვის მტკიცე ანალიტიკური ბაზის არსებობას მოითხოვს. აღნიშნული უზრუნველყოფს სიღრმისეულ ხედვას ბიზნესის ფინანსურ და ეკონომიკურ მდგომარეობაზე და ეხმარება მენეჯმენტს სტრატეგიულ გადაწყვეტილებათა მიღებაში. სწორედ აქ იკვეთება ფინანსური ანალიზის საკვანძო როლი კომპანიის მართვის სისტემაში. სტრატეგია ანალიზით იწყება, დღევანდელ ეკონომიკურ რეალობაში ბიზნესისთვის, საჭიროა ისეთი პროგნოზირების მექანიზმები, რომლებიც რეალურ დროში ახდენენ ცვლილებების მონიტორინგს და მენეჯმენტს აწვდიან ოპერატიულ ფინანსურ სიგნალებს. შესაბამისად, ფინანსური ანალიზის როლი ცალსახად იზრდება არა მხოლოდ შეფასებით, არამედ პრევენციული და სტრატეგიული მართვის სისტემაში და ქმნის ლოგიკურ კავშირს მიმდინარე ოპერაციებსა და სტრატეგიულ მიზნებს შორის, ამჟღავნებს ფარულ ტენდენციებს. რაც ხდის ფინანსურ ანალიზს ერთ-ერთ ყველაზე ინტეგრირებულ და საჭირო ინსტრუმენტად თანამედროვე მმართველობით პროცესში.

მსოფლიოს წამყვანი საწარმოების გამოცდილებამ აჩვენა, რომ ეფექტიანი ფინანსური ანალიზის სისტემა ავტომატურად აუმჯობესებს მათი მენეჯმენტის ხარისხს და ზრდის გამჭვირვალობას როგორც შიდა, ასევე გარე დაინტერესებული მხარეებისთვის. ეს ასპექტი განსაკუთრებით მნიშვნელოვანია ღია ეკონომიკის პირობებში, სადაც საწარმოებმა უნდა დააკმაყოფილონ ინვესტორების, კრედიტორების და სხვა დაინტერესებული მხარეების გაზრდილი მოთხოვნები.

როდესაც ინვესტორი აფასებს კომპანიას, ის არ ეყრდნობა მხოლოდ ფინანსურ ანგარიშგებას, არამედ ითხოვს სიღრმისეულ ანალიზს, თუ როგორ იცვლება საკუთარი კაპიტალის ამონაგები დროში? რამდენად მდგრადია თავისუფალი ფულადი ნაკადები? როგორია კომპანიაში რისკებისადმი მგრძნობელობა სხვადასხვა სცენარების პირობებში? სწორედ ამ კითხვებზე პასუხების გაცემით ფინანსური ანალიზი ქმნის ინფორმაციის მაღალი ხარისხის სტანდარტს მომხმარებელთა გარე იერარქიისადმი.

ფინანსური ანალიზის ეფექტიანობა მნიშვნელოვანწილად განისაზღვრება მისი მეთოდოლოგიური საფუძვლებით. ტრადიციული მეთოდებით, როგორიცაა ჰორიზონტალური და ვერტიკალური ანალიზი, თანაფარდობების ანალიზი თუ ფაქტორული ანალიზი. თანამედროვე ტექნოლოგიური განვითარება, მათ შორის Big Data¹-ას ანალიტიკა, ხელოვნური ინტელექტი და მანქანური სწავლება, ახალ შესაძლებლობებს ქმნის და გადააქცევს კიდევ უფრო მძლავრ სტრატეგიულ ინსტრუმენტად გრძელვადიანი კონკურენტუნარიანობის მისაღწევად.

ხელოვნურ ინტელექტზე შექმნილ ფინანსურ ალგორითმებს „პროგნოზირებადი ანალიტიკა და სცენარების მოდელირება“ შეუძლიათ ისტორიული მონაცემების საფუძველზე უფრო ზუსტი და მრავალგანზომილებიანი პროგნოზების გაკეთება. მაგალითად, საცალო ვაჭრობის სექტორში, ხელოვნური ინტელექტის ფინანსურ მოდელებს შეუძლიათ გაყიდვების პროგნოზირება ამინდის პირობების, სოციალური მედიის ტენდენციების და ეკონომიკური ინდიკატორების გათვალისწინებით, რაც კომპანიას საშუალებას აძლევს, ოპტიმალურად მართოს მარაგი და თავიდან აიცილოს დანაკარგები. ეს საშუალებას იძლევა, შეიქმნას რთული სცენარები (მაგალითად, საპროცენტო განაკვეთების ცვლილების, მიწოდების ჯაჭვის შეფერხების ან ახალი კონკურენტის გამოჩენის გავლენა), რაც მენეჯერებს ეხმარება მოქნილად დაგეგმვაში და “what if” ანალიზის სიზუსტის გაზრდაში. AI ალგორითმები ავლენენ ისეთ ფარულ რისკებსა და შესაძლებლობებს, რომლებიც მხოლოდ ტრადიციული ფინანსური ანალიზით შეუმჩნეველი დარჩებოდა.

„Blockchain“ ტექნოლოგია საშუალებას აძლევს ადამიანებს უსაფრთხოდ გაცვალონ ფული, ინფორმაცია, საკუთრება შუამავლის გარეშე, სადაც ყველა ტრანზაქცია ინერება საერთო ციფრულ ჟურნალში, რომელსაც ვერავინ შეცვლის. მიუხედავად იმისა, რომ ეს ტექნოლოგია ჯერ კიდევ განვითარების ადრეულ ეტაპზეა, ფინანსურ ანალიზში ბლოკჩეინს შეუძლია გააუმჯობესოს მონაცემთა გამჭვირვალობა, სანდოობა და უსაფრთხოება, რაც ანალიზის საფუძველს კიდევ უფრო მყარს გახდის. მაგა-

ლითად, მიწოდების ჯაჭვის მართვაში ბლოკჩეინის ინტეგრაციით, კომპანიას შეუძლია რეალურ დროში თვალყური ადევნოს ტრანზაქციებს, შეამციროს თაღლითობის რისკი და უზრუნველყოს მონაცემთა უტყუარობა, რაც აჩქარებს ფინანსურ შემოსემებს და ზრდის ინვესტორთა ნდობას. შეუცვლელი და აუდიტირებადი ფინანსური ჩანაწერები მნიშვნელოვნად გაამარტივებს ანალიტიკურ პროცესებს და გაზრდის ნდობას მონაცემების მიმართ, რაც გადამწყვეტია რისკების შემცირებისა და სწრაფი გადაწყვეტილების მიღებისთვის.

ეს ინსტრუმენტები საშუალებას იძლევა, ფინანსური მონაცემები დამუშავდეს უფრო სწრაფად, ზუსტად და ყოვლისმომცველად, რაც განსაკუთრებით მნიშვნელოვანია მცირე და საშუალო საწარმოებისთვის, რომლებიც ხშირად შეზღუდული რესურსებით ოპერირებენ. ამავე დროს, ფინანსური ანალიზის თანამედროვე მიდგომები, როგორიცაა სცენარული ანალიზი თუ რეალურ დროში მონიტორინგი, საშუალებას იძლევა საწარმოებმა უფრო მოქნილად უპასუხონ ბაზრისა თუ ეკონომიკური გარემოს ცვლილებებს.

განვითარებული ქვეყნების გამოცდილება ცხადყოფს ფინანსური ანალიზის ინტეგრაციის მნიშვნელობას ყოველდღიურ მენეჯმენტში, რაც აძლიერებს მართვის გადაწყვეტილებების ხარისხსა და კონკურენტუნარიანობას. ქართულ ბიზნეს რეალობაში, ფინანსური ანალიზის ხარისხი და სისტემატურობა ჯერ კიდევ ჩამორჩება საუკეთესო პრაქტიკას. იგი საწარმოებში ხშირად ფორმალურ ხასიათს ატარებს და შემოიფარგლება სტანდარტული ანგარიშგებით, რომლის მიზანი ძირითადად საგადასახადო ვალდებულებების შესრულება და არა რეალური მენეჯერული გადაწყვეტილებების მიღებაა. ფინანსური ანალიზის გამოყენება უმეტესად არ ხდება არც საქმიანობის ოპერატიულ დონეზე და არც სტრატეგიული ხედვის ფორმირებისას. თანამედროვე ფინანსური ინსტრუმენტები საშუალებას აძლევს კომპანიებს, გააღრმავონ ფინანსური ანალიზის ხარისხი, განახორციელონ სცენარული მოდელირება და განსაზღვრონ რისკები, რაც განსაკუთრებით მნიშვნელოვანია ქართული ბაზრისთვის, სადაც ვალუტის რყევები, ინფლაცია და მიწოდების ჯაჭვის გამონეგვები ხშირია. ქართული ბიზნეს გარემოს ეს ტენდენცია საჭიროებს კომპანიების მხრიდან მუდმივ ინვესტირებას სპეციალისტების გადამზადებაში, ფინანსური ანალიზის პროცესების სტანდარტიზაციასა და ორგანიზაციულ ცვლილებებში, სადაც მონაცემებზე დაფუძნებული გადაწყვეტილებები ხდება ნორმა. ამ მიმართულებით, კულტურული ცვლილება საჭიროებს დროს და თანმიმდევრულ მუშაობას.

განვითარებულ ქვეყნებში ჩატარებული კვლევების მიხედვით, კერძოდ „Harvard Business Review“-ს

1 Big Data - დიდი მოცულობის, მაღალი სიჩქარისა და მრავალფეროვანი ტიპის მონაცემთა ერთობლიობა, რომელთა დამუშავება ტრადიციული ინსტრუმენტებით შეუძლებელია და საჭიროებს სპეციალიზებულ ტექნოლოგიებს. (<https://www.oracle.com/big-data/what-is-big-data/> 28.08.2025)

2 „What-if“ ანალიზი - ანალიტიკური მეთოდი, რომლის მიზანია სხვადასხვა ჰიპოთეზური სცენარის შეფასება, რათა დადგინდეს, როგორ იმოქმედებს ერთი ან რამდენიმე ფაქტორის ცვლილება შედეგებზე. (<https://support.microsoft.com/en-us/office/calculate-multiple-results-by-using-a-data-table-e95e2487-6ca6-4413-ad12-77542a5ea50b> 28.08.2025)

მიერ ჩატარებული კვლევის მიხედვით, განვითარებული ქვეყნების კომპანიების მიხედვითაც კი, მხოლოდ 40.8%-ს³ შეუძლია მონაცემების ისე გამოყენება, რომ რეალური კონკურენტული უპირატესობა მოიპოვოს. კიდევ უფრო საგანგაშოა ის ფაქტი, რომ 75%-ს საერთოდ არ აქვს ჩამოყალიბებული ისეთი ორგანიზაციული კულტურა, რომელიც ანალიტიკურ მუშაობას ხელს შეუწყობდა. ეს მიანიშნებს სისტემურ პრობლემაზე, ბევრ კომპანიაში მონაცემებზე წვდომა შესაძლებელია, თუმცა მათი სწორი ანალიზი და შედეგებზე ორიენტირებული მოქმედება სუსტ რგოლად რჩება.

ყველაზე წარმატებული გლობალური კომპანიები, როგორებიცაა: Amazon, Microsoft, Google⁴ იყენებენ რეალურ დროში ფინანსურ ანალიზს არა მხოლოდ შედეგების შესაფასებლად, არამედ მომავალი გადანაწილებების პროგნოზირებისა და ოპტიმიზაციისთვის. ამ მიდგომის შედეგად, კომპანიები 20-25%-ით ამცირებენ ინვესტიციების ჩავარდნის ალბათობას.

Amazon⁵-ის შემთხვევაში, ფინანსური ანალიტიკა გამოიყენება სანაწარმების ოპტიმიზაციიდან დაწყებული, ახალი ბაზრების ათვისების სტრატეგიამდე. მაგალითად, კომპანიის ფულადი სახსრების კონვერტაციის ციკლის მუდმივი მონიტორინგი საშუალებას აძლევს მენეჯმენტს, ეფექტურად მართოს მარაგები და მიწოდების ჯაჭვი, რაც თავის მხრივ ამცირებს დანახარჯებს და ზრდის რეინვესტირების შესაძლებლობებს. ამასთან, პროგნოზირების მოდელები აფასებენ სადისტრიბუციო ცენტრების ეფექტიანობას კონკრეტულ რეგიონებში და პროგნოზირებენ მომხმარებელთა მოთხოვნის პიკებს, რაც კომპანიას საშუალებას აძლევს, მოახდინოს დროული რესურსების მობილიზება.

Microsoft-ის ფინანსური განყოფილება იყენებს ფულადი ნაკადების დისკონტირებული ღირებულებისა და შიდა უკუგების ნორმის ანალიზს ახალი პროდუქტების შეფასებისთვის. ამრიგად, მხოლოდ იმ ინიციატივებს ეძლევა მწვანე შუქი, რომლებიც ასრულებენ მინიმალურ ინვესტიციაზე უკუგების მოთხოვნებს და აქვთ ბაზარზე წარმატების პოტენციალი. ამის შედეგად, კომპანია ამცირებს კაპიტალის არაეფექტურ გადანაწილებას და აძლიერებს ინვესტიციების შედეგიანობას.

OpenAI-ის ChatGPT-ის⁶ სწრაფმა ზრდამ ხელო-

3 <https://hbr.org/2025/06/growth-isnt-the-only-way-for-companies-to-create-value> (4.06.2025)

4 https://www.researchgate.net/publication/342703017_Financial_Statement_Analysis_of_Google (18.08.2025)

5 https://s2.q4cdn.com/299287126/files/doc_financials/2023/ar/Amazon-2023-Proxy-Statement.pdf (18.08.2025)

6 <https://www.reuters.com/technology/ai-lesson-microsoft-google-spend-money-make-money-2023-07-25/> (18.08.2025)

ვნური ინტელექტის ბაზარზე სერიოზული გამოწვევა შექმნა Google-ის პოზიციებისთვის, განსაკუთრებით საძიებო სისტემების სფეროში, სადაც Google-ს მსოფლიოს მასშტაბით 72.3% წილი ეკუთვნის. კომპანიის ფინანსურმა ანალიტიკოსებმა დაადგინეს, რომ AI მიმართულებით ინვესტიციების შეჩერება, საძიებო რეკლამის ნაწილში კომპანიას შეუქმნიდა კონკურენტის დაკარგვის საშიშროებას და ყოველწლიური შემოსავლების 162 მილიარდ დოლარამდე დანაკლისს განაპირობებდა.

2023 წელს Google-მა კვლევა-განვითარების ბიუჯეტი 39.5 მილიარდ დოლარამდე გაზარდა (წინა წლის 31.6 მილიარდი დოლარიდან), რომლიდანაც AI-ის განვითარებაზე გამოყოფილი თანხები 8.3 მილიარდი დოლარით გაიზარდა - ანუ 26.3%-ით. დამატებით, კომპანიამ AI ინფრასტრუქტურაზე 13.2 მილიარდ დოლარი დახარჯა, რაც 47%-ით მეტია წინა წლის მაჩვენებელზე.


ფინანსური მოდელირების თანახმად, ChatGPT-ის მსგავსი სერვისები Google-ის საძიებო ტრაფიკს 18-25%-ით შეამცირებდა 2024 წლისთვის, რაც ყოველწლიურად 8.5 მილიარდი ძებნიდან დაახლოებით 1.5-2.1 მილიარდ ძებნის დაკარგვას ნიშნავდა. ეს ფინანსური პროგნოზი ეყრდნობოდა 750,000 მომხმარებლის ქცევის ანალიზს 27 ქვეყნიდან.

შედეგად, Google-მა მნიშვნელოვნად დააჩქარა საკუთარი AI მოდელის - Gemini-ს - შემუშავება, რომელშიც 2.8 მილიარდი დოლარი ჩადო მხოლოდ 14 თვეში, ნაცვლად დაგეგმილი 24 თვისა. კომპანია ასევე 40,000 H100 ჩიპი შეიძინა 1.6 მილიარდ დოლარად და 12 ახალი მონაცემთა ცენტრი გახსნა 3.4 მილიარდ დოლარის ღირებულებით (იხ. დიგრამა 1).

ამ ფინანსურად დასაბუთებულმა სტრატეგიამ უკვე Q4 2023 წლიდან დადებითი შედეგები მოიტანა. Google-ის AI-გაუმჯობესებულმა საძიებო სისტემამ ბაზრის წილი 72.3%-დან 73.8%-მდე გაზარდა, ხოლო მომხმარებელთა ჩართულობა 12%-ით გაიზარდა. ინვესტიციური რისკები 23%-ით შემცირდა, ხოლო ROI მაჩვენებელი 2.3-იდან 3.1-მდე გაუმჯობესდა, რაც გრძელვადიან პერსპექტივაში კომპანიის კონკურენტუნარიანობას მნიშვნელოვნად ამყარებს.

ანალიზზე დაფუძნებული გადანაწილებებით Google-მა გაზარდა ინვესტიციები საკუთარი ხელოვნური ინტელექტის მოდელში (Gemini), შეაფასა ხარჯების ოპტიმიზაცია და უზრუნველყო AI ფუნქციების ინტეგრაცია საკუთარ პლატფორმებში (Search, Gmail, YouTube). შედეგად, Google-მ შეინარჩუნა ბაზრის წილი და გააძლიერა ტექნოლოგიური ლიდერობა რეაგირების სისწრაფითა და ფულად-ეკონომიკური მდგრადობით.

როგორც, Amazon, Microsoft, Google-ის ქეისების ანალიზმა ცხადყო თანამედროვე ბიზნესგარემოში ფინანსური ანალიზისა და სტრატეგიული მართვის



დიაგრამა 1. Google-სტრატეგიული ინვესტიცია AI-ში და კონკურენტული უპირატესობა

წყარო: <https://www.reuters.com/technology/ai-lesson-microsoft-google-spend-money-make-money-2023-07-25/>

ინტეგრაცია ხდება კონკურენტული უპირატესობის გადამწყვეტი ფაქტორი, რომელიც განსაზღვრავს საწარმოს გრძელვადიან წარმატებას და ადაპტირების უნარს. წარმატებული კომპანიების მაგალითები კარგი გამოცდილება ქართული ბიზნეს ოპერატორებისთვის და უდაოს ხდის, ფინანსური ანგარიშგების ანალიზის მნიშვნელობას, როგორც ბაზრისა და კონკურენტული ლანდშაფტის შესახებ გადამწყვეტი გრძელვადიანი კონკურენტული უპირატესობის მოპოვებისთვის და სტრატეგიული განვითარებისთვის აუცილებელი ინფორმაციის წყარო.

გამოყენებული ლიტერატურა:

1. ქილაძე იზოლდა, „ფინანსური ანალიზი“- მე-4 გადამუშავებული გამოცემა, სახელმძღვანელო, თბილისი 2024წ. გვ. 473.
2. ფინანსური ანგარიშგების საერთაშორისო სტანდარტი <https://www.saras.gov.ge/ka/Ifrs/Pdf/319> - 22.09.2025წ;

3. Introduction to Financial Analysis, Kenneth S. Bigel. OPEN TOURO NEW YORK, NY 2022, pg. 489
4. Chrome-extension://efaidnbmnnnibpcajpc-gclefindmkaj/https://oldmis.kp.ac.rw/admin/admin_panel/kp_lms/files/digital/Core%20Books/Finance/Introduction-to-Financial-Analysisprint.pdf (21.09.2025)
5. <https://hbr.org/2025/06/growth-isnt-the-only-way-for-companies-to-create-value> (4.06.2025)
6. https://www.researchgate.net/publication/342703017_Financial_Statement_Analysis_of_Google
7. https://s2.q4cdn.com/299287126/files/doc_financials/2023/ar/Amazon-2023-Proxy-Statement.pdf
8. <https://www.reuters.com/technology/ai-lesson-microsoft-google-spend-money-make-money-2023-07-25/>
9. <https://www.reuters.com/technology/ai-lesson-microsoft-google-spend-money-make-money-2023-07-25/>